

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Ертең біз жол жүреміз

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129746/>

### ЕРТЕҢ БІЗ ЖОЛ ЖҮРЕМІЗ

Жасың бар, жігіт-желең, шалдарың бар.  
Ертең біз жол жүреміз, қамданыңдар.  
Жол ұзақ, биік асу, сапар алыс,  
Жаз өтер, күз де кетер, тақалар қыс.  
Қамданыңдар. Болашақ деген елге,  
Қандай біз сый-сияпат апарамыз.  
Қорқауды, өсекшілді қатарға алма,  
Кеселін тигізеді сапарға алда.  
Не бетімізді айтамыз Болашаққа?  
Жат қылықты қалдырмай апарғанда  
Жамандық атаулыны қалдырыңдар,  
Суға батыр, отқа өрте, жандырыңдар.  
Болашақ деп аталған өлмес-өшпес,  
Жақсылықтан жаралған тағдырың бар.  
Қыз-қырқын, жігіт-желең, шалдарың бар  
Ертең біз жол жүреміз, қамданыңдар!  
...Тірі жетсең, Болашақ өзі айтады,  
Қайсыңның қанша пұттық салмағың бар.

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.